

Bim Dokter 2012

(Ein nicht ganz ernstgemeinter Bericht)

Praxis a dr Dünnere ?
Verzell das amene Dümmerer,
da doch würklich jede weiss,
si isch ganz klar grad näbem Gleis.

Sogar e Wartsaal git's
mit neue Ladersitz,
au e bsetzte Schalter,
scho guet für mis Alter

Es Billie git's vom Automat,
wo dütlich drufe staht,
wenn mi nöchsch Termin de isch,
ich finde das sympafisch.

Chum ich de zur rächte Zyt,
teilt mer's Fräulein fründlich mit:
„Nämed doch im Wartsaal platz“.
Isch das nid e liebe Schatz.

Jetzt sitzi do und due chli warte,
lise Heftli, alli Sparte,
lose Musig, DRS zwöi
es Largo, trurig, trurig wie mis Chneu.

Wenn jetzte chäm, e Büffetwage
und d' Schwöschter wüdi alli frage:
„War möchte e Kaffi oder e Glace lecke“?
De wärs de Zyt, me würd mi wecke.

Rötheli, Burn, Hodel und Küenzi als einzige Ma,
e besseri Uswahl chasch gar nid ha.
Für d' Fraue, d' Manne, s'Ässe und für Psyche.
Was no fählt, isch ein für d'Lyche. (exgüse s'isch wägen ryme)

Ig ha gwählt, dr Chef vom Harem,
(D'Frauequote, ganz extrem).
Är nimmt mi mit is Praxiszimmer
mir sitze ab, s'isch gäng wie immer.


Ich verzell ihm mini Präschte,
bi wider d'schwär, das chunt vom mäschte
seit är und luegt no ufe PC
dört stoh , Fritz, Wasser löse uf em WC.

D'Sitzig isch de gli mal dure,
Hose hoch, dr Gurt zue zurre.
Bim Schalter vore, ganz scharmant,
d'Frau Engel mit em Becher i dr Hand.

Im Kabeuschen, sitze, warte, hoffe,
hätt ig doch e Wartsaalkaffi gsoffe.
Chasch de lang, wenn nid chasch
Und wenn chasch, chasch nid lang.

Heijo, s' het doch no glängt dr no,
stolz bin ig wieder use cho
mit em Bächer i dr Hand
und stoh a Schalterplatterand.

I dem Momänt, Tür goht uf, zwe Fraue
stöh plötzlich da und lüpfte Braue
und danke: „Si die no bitroscht“,
säge aber fründlich Proscht.



D' Frau Siegrist lacht und het erklärt,
dr Kaiser heb nur Blase glärt.
Mi Bsuech bim Dokter isch am Schluss
dr Chittel a, scho bi ni duss.

I däm Momänt, dr IC rauscht verby.
Ha halt doch rächt und blib drby,
das schläckt niemer wäg, nid mol e Geiss,
Nid a dr Dünnere, nei am Gleis.

Mir wünsche am Team vo dr Praxis am Gleis
e guete Start und viel Glück im neue Jahr.

Edith und Fritz Kaiser